

五百四峯堂詩鈔

門人何溪寫

二樵道人小影



獨歌獨舞空谷誰應擊彼
莊子蝶屈馳徑秋蟬蛻殼
春蠶繭命噉雪去碎鯁
桓湊靜釣天夢回石壁僧
空古人傷心志士託詠思抽若
涕情入五嶺丸蟲輪素昧師

孔塞聽伯子地文仰接天淨
物搜其心闕不競千秋此懷
百年一病悲笑樵子心苦名令
寸珠之胎尺玉不胫天下有道
危亦言行

肅尔蘊序瑞

膏寸之膏是耳其翼
之名一白之水是耳如
海之情白而圓蠢吹
龍頸之端石鼎白而
乳舉按室堵而吹玉

筆故平思也或大而不
可圍或細而不可聲

弟黃其勤

嗒焉無偶卓尔不倚藏精潛
淵高眇太始拙於用而莫知
其所與同工於言亦不知其
所爲使如攝氣然初嘔輪而
吐萌乃推類而結字如撥汞

然既六屈而八歸遂騰霄而
燭地人曰入山深入林密者
二樵先生予曰其旨遠其辭
文者石鼎道士

二樵先生畫像贊
澧浦謝蘭生題並書

氣突兀兮為空中樓
心眇莽兮為不繫舟
其鑄物兮祥金之
作干莫其迴華兮精
鐵之連羅浮細而巧

兮貫蠹之蟻大而拙兮
執鼠之牛二樵子乎可
以一日可以千秋者乎

亥舟黃丹書

陵靈而行郭景純之游
懷懷古而歌左太冲之
詠史思耶丈室維摩詰
已病生瑯琊大道王伯
輿汎情大淒狀似秋其
霜鶴之鳴乎暖然侶春

抑雲將出喜也藏之名
山置之土壑所以成我
二焦子也

藥洲張曰瑤

簡自韶 亂 先君
子即教之為詩既
得其意而喜為之
其閒存而慙、而

焚者屢矣既又復
存之又復慙於二十
餘年中若有未可
盡述者自乾隆辛

卯至於乙卯所得
詩分廿五卷梓之
少而壯其漸以老
可聚其心力之利

鈍也體格之仍變
也詩人之殊途
醫門之多病也藥之
陸偏疾乎近之者

又其性也且彼風氣
去方置吾於其樞
吾不能撓其柄也
昔所非而今是今所

是而後非吾烏乎

知其鵠之心也哉

嘉慶元年丙辰九

日勅旨自叙

五百四峯堂詩鈔總目

辛卯年

卷之一

古今體詩十七首

壬辰年

卷之二

古今體詩十五首

癸巳年

卷之三

古今體詩十八首

甲午年

卷之四

古今體詩十九首

乙未年

卷之五

古今體詩三十一首

丙申年

卷之六

古今體詩十二首

丁酉年

卷之七

古今體詩二十八首

戊戌年

卷之八

古今體詩二十五首

己亥年

卷之九

古今體詩九十五首

庚子年

卷之十

古今體詩一百零二首

辛丑年

卷之十一

古今體詩八十九首

壬寅年

卷之十二

古今體詩七十五首

癸卯年

卷之十三

古今體詩七十二首

甲辰年

卷之十四

古今體詩五十五首

乙巳年

卷之十五

古今體詩五十六首

丙午年

卷之十六

古今體詩九十七首

丁未年

卷之十七

古今體詩一百四十六首

戊申年

卷之十八

古今體詩八十三首

己酉年

卷之十九

古今體詩五十八首

庚戌年

卷之二十

古今體詩五十一首

辛亥年

卷之二十一

古今體詩一百二十三首

壬子年

卷之二十二

古今體詩一百七十四首

癸丑年 卷之二十三

古今體詩九十五首

甲寅年 卷之二十四上
卷之二十四下

古今體詩八十四首

古今體詩八十五首

乙卯年 卷之二十五

古今體詩一百四十七首

五百四峯堂詩鈔總目終

五百四峯堂詩鈔

卷之一

順德黎 簡簡民撰

辛卯年

入羚羊峽寄閨人

清江連白沙秋畫如月色蒼然暮帆影涼風轉秋
碧舟行入青山山青立天石峽雨去却來山颺順
還逆哀狖遞雲屏清切不可極違峽已十里隱耳
淒不息端州萬家夢上有孤月白是時水村夜知

復當窓織星露江上草草根蟲唧唧復唧唧
吾聞汝歎息歎息不能夢有身無羽翼

藤縣

水石無小大其勢皆向人視我如相予割水成翻
雲石齒篙脫嚙船頭湍又歎是時十月交北風吹
客魂長年匍哀澁水刃血手龜行役旣屬汝而不
嗟苦辛奈何遠遊子坐失山水真城廓蒼翠冷夕
照炊烟溫藤縣百餘家祇似山上邨訟庭積山葉
可供官爨薪或云昔南征亦有從役民至今山上

田穰種無人芸勞生有身世去去勿復論

鐵壚頂

絕壁小鐵圍壁根竊虛乳奔流趨叢壑水石鬬古
忿上流穿石鼻盤絞鐵牛紉抱舫趨短篙入水握
橫軫舟佳石飲鍋舟去石嚙膺頗怪東逝舸捩舵
亟風隼笑指我西去動若蟲蟬蟬風日彼流利波
濤此安穩知一不知二齊末爲循本他日東曰歸
西顧悲往蹇

白馬角

嚴冬上白馬白馬未云惡水淺衆石出山陡一股
落憶昔五六月西潦奮虛壑長河怒一折赤浪攢
萬岳渦盤大江迴芥擲巨艣弱是爲西江隘漲甚
須守泊下莫倚勁櫓上難挽長索氣殺至白石聲
厖已丹竹淺視鐵鑪頂猛逾火烟角

鼓湧灘

是灘又名痘灘舟師
云吆喝則盤渦起

舟人輕風波至此慘不語脉脉奔長江畏色自太
古上舟鈍若石下舟猛於弩盤渦入地叫聲過十
里許北風吹木葉神氣棲破宇孤援鳴空山漠漠

日色苦西江三百灘是已一二數昔覩李尚書鑿
徑濟行旅憐淡石見血無乃蛟龍怒惜哉水不尺
勞深力無補我生固習坎何如此深阻危襟坐如
夷洞然見肝腑

龍門灘

西江幾千里有力使倒流礮石張厥角直欲礪我
舟竹纜如枯藤裊裊山上頭失勢倘一落萬鈞亦
浮漚潯州兩江水其北導柳州上逼銅鼓灘下握
相思洲龍門在其中神物居其幽往往一夕泊曉

不辨馬牛龍堂洞壑夜搖天雲雨秋緊予屢經歷
不爲風波愁肅然慎前途毋爲二人憂

橫石磯

進舟香江驛戒程橫石磯橫石雖不險入險已自
茲細波沙上明小旗風前吹四山湧層碧低昂赴
江涯仰眎東下舟生死不可知自爲西去人進止
恒懷疑懷疑問津吏津吏前致詞郎今從此去世
途盡如斯郎顧前所歷已過皆平夷拜手謝津吏
看山信篙師

秀才灘

秀才何姓名失生此潺湲但傳古秀才遂以名其
灘日落野水黑英魂愁枯山紙錢濕寒灰弔君波
濤閒嗟予挾文卷悲吟走西蠻幸不與君伍何時
全生還君豈忘垂堂子亦思漸磐性命懸舟人莫
能自求安雖非長沙淚動傷遊子顏

火網角阻風登岸遭田父有不速之歎興
在邂逅情見乎詞

白雲長在山野老不出門遊子苦舟坐登岸杼勞

煩旣岸見我舟已匿蒼厓根俯視江飛波欲濕相
風竿聞雞討幽徑手足行縻矧不敢仰奔峭步踟
藤蘿繁空翠石屢變深林天易昏出林始亭午逢
人方定魂其地屬邕州彼此通語言欣然呼童穉
蓬蒿開竹軒野色滿須眉禮疏情自存慰畱具雞
黍頃復出兒孫年深無來客愈敬遊人尊歡言雜
歎息其事難細論桑樹日色黃相送踰數盤丁寧
能再來餘年問寒溫臨歧默回首暮雲入空村山
水長若斯照人情素敦

飛龍灘

舟下青山根亂石忽橫截發櫓飛渡江急若物下
跌耳聞人吟號目送山倏忽森獐灘心石日色炙
頑鐵失手過遲速拄架不得脫或昂首握吭或翹
尾若歆或中砥若擔負重舟兩折或爲馬脫韁或
爲蟬纏鵠彼落時數厄予上日屢歇兩舷聲絕天
百指手濯血北風吹枯山忽覺冬景熱日落出叢
石始見茅屋列結構依崩崖山市靜不聒掣杙去
岸遠庶與虎豹絕驚魂命蠻酒襟色照露月

邕州

帆帆荒城畫角哀
滔滔急水白沙頽
不勝今昔親垂老
如此風烟我再來
幾箇遊人非斷梗
是何名岳入邊垓
故鄉倘有羅浮月
可許幽輝滿鏡臺

望仙坡最高樓

在眼山川故國情
崑崙寒翠古邕城
短長道路供離別
少壯交游半死生
雲色黃茅秋瘴盡
沙光碧玉暮江清
平安郡邑南征後
偶問途人不說兵

有嘆

邕州八月之漲

水出萬山鳴天低一掌平盤渦翻大樹缺岸陷孤
城覓屋餘墟社逢人問死生武溪深不測辛苦憶
南征

放歌四章

白雲在天兮安所歸海水流兮無盡期予行邁兮
勞苦饑風蕭蕭兮臨浩波撫時逝兮聊獨歌悵離
居兮芳草殘芙蓉盡兮江水寒春有蘭兮秋有菊
道路遠兮心不遷心不遷兮怨有之思不極兮猶
可言

隔千里兮共朝昏同辛苦兮不能聞鴈南飛兮復
北飛北風滿天兮載鳴且饑非夫君兮不能怨怨
不敢兮聊復思

我衣新兮不忍著我衣故兮不忍却我身勞兮我
親知我心傷兮我夜嘸車入淵兮舟上山我能行
兮非其任揚素袂兮激哀謠淚潺湲兮匪自今
同行路兮命如何君安車兮予蹇駝駝苦路長兮
人苦事已多迴吾駕兮日歸只大江滔滔兮不知
生死子離憂兮亦已早霜先秋兮謝予芳草天有

日月兮地有道途道途之人兮相代老

五百四峯堂詩鈔

卷之一終

五百四峯堂詩鈔

卷之二

順德黎 簡簡民撰

壬辰年

送別

草長蕩春愁
春江水急流
桃花兩岸雨
天末一歸舟
同日遠爲客
當筵難重留
崑崙他夜月
相望各回頭

客樓

天地茲樓迥風波客子心瘴江千里黑邊角五更
深身穩幾無夢年荒欲廢吟家山與窮塞相寄食
難音

城上

遙遙千里草忽向客愁生青碧照平楚蒼茫臨古
城山光抱水際雨勢走江聲報是它鄉暮衣風切
骨驚

與潘振之

藝兼寄潘絜如

倦鳥無聲倦客聲離思苦調與君聽饑寒乞食輕

千里憂患成書負六經別惜張翰吳茱萸來過宋
玉楚山青舊遊新鬼雞壇地古石今雲馬退亭

歌節

春衣白袷騎青驄淺淺平蕪淡淡風蠟髻蠻姬鬪
歌處四山純碧水棉紅

江頭楊柳風亂吹薔蘚欲開桃已飛清明節近關
山遠夢在杜鵑聲裏歸

瀟瀟江上雨

瀟瀟江上雨日夜送殘春草綠清明節家無祭掃

人古今爲客地多少負恩身淚寄西來水迢遙東
去津

涵碧亭雨中作

雲自水際起雨從潭上來滄江走白日丹壁動春
雷撫逝覽餘景浩然登此臺艱難依骨肉遊賞易
生哀

武緣縣齋二首

虛堂吾獨宿空翠入墻頭似我花村夜滿衾松月
秋酒歡悲醒客夢斷續離愁欲曉聞山雨榕根漲

不流

日落上南城城陰山半明雨餘荒草熱嵐盡極天
清厲鬼呵鋤藥神巫號替生身心無病病忠信重
行行

高峯隘

高峯雙壁路一線裊懸空馬竭嘶雲表人來出石
中田青四月雨武緣四月始種與他處異天黑八蠻風莫自悲
行役春天攪斷蓬

南霧

南霧萬物濕西雲千丈高此身有大藥無病取微
勞識路非老馬歸心歌大刀江流日以急書札限
風濤

送莊念真

泗城歲時暄十日八日霧南風古墻汗物氣蒸敗
絮其氣能病人其病輒寒怖或爲熱狂嚙目與山
鬼遇其巫遂曰神其神以巫附朋上聲肯舞鼓節窈
眇銜面具一家遘茲疴百家戒而懼黃昏閉門睡
鳥鼠皆鬼趣吹角叫山月肅肅夜天素君行西更

深慎矣自愛護與君俱風塵塵中送君去雨濕客
子衣風吹江上樹樹葉四時綠不分冬與春遊子
終歲行不辨富與貧富人雖有貲貧士亦有身

艾而張

艾而張羅雉少羅多雉無善飛人無善機出門四
顧曰往中止我無良馬覆我方軌一雉之出百人
所喜

題驛垣

落日馬嘶遠此行誰可親孤栖蠻僕劣饑餓野蔬

真古戍啄獨鳥終途無一人題詩與來者畱取淚
沾巾

五百四峯堂詩鈔

卷之二終

五百四峯堂詩鈔

卷之三

順德黎 簡簡民撰

癸巳年

人日送客

殊方亦人日是日送行人
帆色雨中去天涯心所
親綠波憶南浦芳樹在東鄰
桃李窺臣意而非宋
玉春

春寒

盲風伏雨罨邊城。城下波濤氣不平。一枕春寒閣
鄉夢。千家人語入江聲。沾衾搖落關楊柳。破被尋
常得弟兄。俯愧營巢老烏鵲。拮据身爲護雛輕。

邕州城樓

歸心東與急流爭。又見飛帆西去程。知有年華在
前路。可教人事但長征。雲移日影流山色。風挾江
濤入雨聲。此是吾鄉好時節。水村茅屋罷春畊。

閏月上巳

還逐前期客。新流接舊觴。忽驚別已久。坐厭歲何

長天有一餘積人增百事忙春風卅日過回首亦
茫茫

出北郭至望仙坡

北郭風花遠野香空處飛偶然入小雨不覺濕春
衣久客足遙望古臺橫落暉臺高一峯頂人立四
山圍

野碧

野碧春天合天青野色高吾今適莽蒼力足翔蓬
蒿已覺此身遠亦憐歸鴈勞驚弦滿關塞孤影墮

江濤

復題望仙坡

野色江光瀕洞浮春波春草接汀洲四天風雨趨
平楚一郡雲山共此樓陰景似吹三里霧邊寒猶
襲七斤裘桃花作飯梨花酒白骨青山未首邱

客寄之樞

大排三十八韻

大排蠻俗翔新客怪舊事終歲心所快是處節亦
異且從邕州春薄載猺婦例草長二月望山坐兩

行沸其男老無鬚厥稱父不字

其子某則呼其父爲父某父碧情切

揜肝裁短服褰腰竟長帶被好雜健少宜笑奏醜
媚其婦禿花袖厥首帆蠟髻插髮後象梳飛鬢前
鴈翅窄衣諸苓紅頰頰檳榔醉其女過十五是日
從偶對袖腹僅隱乳垂髻長逾鼻出門逢郎哥迎
面呌嚙妹唉唉女謠發窈窕男謳會風遠聲斷續
野濶聽茫昧騰喧春雲熱炙汗晴雨膩遣句狎乃
接抒情捷爲貴稱調凄以愉攷意冶而嬖知誠和
逾促信好眸故背詞竭互自私言交始通饋朝敷

墟填集夕日山樵悴同人各有偶納子遂把臂黑
黑松栢深奔奔巖穴配或敦新知樂或從去年契
鰥雄避木葉棄雌竄荒蔚或矜自特衆方鑿納圓
柄及暮從毋歸要使狂者愧或矢死靡他彼婦得
我垢薄怒遣汝還甘爲寡歡睡或以媼見却或以
老致退或爲衆所屬專匹令女畏或爲瓜已及防
彼傷我薺紛紛逐狐狸靡靡笑鄭衛與君久處此
觀風紀其地所見恐約畧於聞半失墜茲篇歸故
鄉用以咤吾輩飫腹當青蔬豐筵屏銀膾瑣瑣大

排詩詹詹小言罪

藥山詩呈雷文熾先生

叢標掩天黑，洶湧晚雲外。
離立八十里，馬鳴已驚悸。
見山日一昨，入谷景向未。
石門取微徑，木葉塞天地。
徑盡一潭落，水破兩崖對。
霧雲霾潭面，雷霆鑽地肺。
藤猿詫生人，哀鳴炯相視。
碧眼豎老鬚，捷足掉長臂。
仰已塞太虛，俛恐陷大隊。
前臨匪是處，後顧怵非類。
虞獵猺絕跡，抨彈鳥不避。
側睨彼嘯鬼，顫肉我縮蝟。
兩奴棄我去，我馬亦自退。
橫途出

松籌濕血漉衣袂
懽懽忿生性
魍魎曳死羣
幽憂
勉與喜我命
實相寄
耽奇壯
有悔慟
哭茲匪義下
嶺投孤邨
籬落森自衛
主人笑險語
山月照清隲
安身倚牀席
惡境魘夢寐
夫子謝安石
試語神已
會躡屐闢鴈宕
此勝庶可繼
先生去有禦
小子遊
可再磨崖鐫
堅頑有作
亘深邃
青冥千尋梯
白髮
徑丈字

雷公巖

昨行藥山道
今過雷公巖
崩雷裂陡壁
呀石搖巉

巉子于抱曲角勾芒持客衫目眩鳥叫魂汗沸馬
脫銜日車頽空磐雨氣隨叢杉黑雲下塞淵輾輾
如積賊失足落萬丈鬼國衆妖饒禿樹縵古蘿毛
髮青髟髟終歲幾客過不蹶山神監毒茅得虎矢
鉅勁交槍櫓廻視滄夕瘴其氣成朱藍在心湧爲
瘡出口窒屢緘今夕何處夢願作東海帆

得秦述堯岳州書

巴陵殘雪見春還南國鶯花幾日閒水落九江開
楚澤眼明寸碧是君山波濤作夢猶空墮身世浮

舟得少閑才發來書卽去客誰家明月照荆蠻

畫鴈

別東道主人主
人請題詩示客

老樹秋落日古墻風滿原蒼然睂睫動誰以羽毛
論有想終能去無羣亦忘尊他時燕雀上酸目見
飛翻

長吁篇四章

長吁復長吁怨深情有餘有餘不可道積愛成至
愚河水日日流中有一雙魚跳擲同一波依泳同
一蒲聞彼東適海啣我西歸書願子開素書讀之

勿相思相思令人老慎保春陽時

春陽感人心有如桃與李春風亦無言敷華共欣喜
搖落安所嗟相對有終始明鏡不照心海水不知
深風波無處所大江生繡衾一夕數嗔愛百年
寧易任子歌白頭吟我彈綠綺琴兩心自可保安
用相審音

音促調苦悲悲調揚遠風風吹天上雲又捲地下
蓬飛蓬語高雲與子別音容何意此須臾乃得相
遭逢常恐迴飈歇遺我在野中落身非故土何以

得追從高下固有命勢懸思可通願子爲霖雨時
澤我故叢

故叢誠足念有鳥恒獨棲天寒木葉落以翼覆其
兒飛雄忽歸來啁啾前相持一身去四海所逃皆
險機幸保羽翼存安望中不饑誠念爾饑寒庶歸
甘共之若問此何鳥此鳥不易知但見五文羽立
此孤桐枝

應試了還村莊作

過江鐘叩曉雲高萬事入閒一事勞殘月蒼涼照

顏色扁舟掀揭任波濤潮生昨夜聽雞語風獵平沙落鴈毛也媿卿卿不相問年年親爲拂塵袍

擬古意

盜泉必不苦道渴思飲之未飲尙自思已飲不復知同行十餘人一人寧渴死其人未有病病坐衆人指竹生性本直曲之生不得勒麻語弱蓬惜汝無寸力劣馬不畏鞭畏路長而竝安得星墮天來下填盜泉

五百四峯堂詩鈔

卷之三終

五百四峯堂詩鈔

卷之四

順德黎 簡簡民撰

甲午年

桃花

青山照碧水忽見桃花紅
媚以東南日韻之明庶
風佳人倚修竹翠鳥啄金蟲
幽艷神仙窟吾鄉東
海中

豔陽怨

聞關百鳥喧人出豔陽天弱影垂楊動柔風翠帶
懸春愁昨夢後春怨看花前蕩子應相憶窗桃似
去年

春郊

桃花藉芳草白馬出花嘶初鳥聲猶澀春人年並
齊含思各深淺同里異東西相見不相問青山畏
日低

景風四章

翕翕景風言披我襟庭柯旣靜交鳴春禽日暮動

酌勝理難尋白雲自來海水亦深

翕翕景風吹萬斯悅時物與人愛此嘉節朱暉在
天綠華明潔情以和守理以近洩

翕翕景風有懷在人人在人爲欣於物爲春宜語宜
默斯夕斯晨事諧靜見情同氣均

翕翕景風言翕于郊青原百里以佚以姚目與物
遇賞與天遙和平在懷莫匪春朝

寄梁東麓

紹儲

明府夔州安置

死去知何恨生還亦此心路隨年有限罪與病俱

深遠目惟看鳥幽思勿倚琴難逢蜀中客不惜越人吟

落日

落日望河關滄江出遠山雲平大澤暗風息暮潮還勢濶高臺小天遙勸客閑却思茅店粥下馬乞

峒蠻

浪淘沙詞

橫江風緊浪淘沙江上征人可憶家粵女無端亦
眉皺恨人何事到天涯

暮歸

碧水青山一日程
橫江津吏問揚舲
人家柳岸看微火
草閣花檐帶小星
不稼殊慚鄭生谷
著書將搆子雲亭
濁醪大好宜清夜
虛白滿堂吟紙屏

喜雨

東山倦葵扇
南海買鮫綃
明水堪作珮
香蕙可圍腰
迴翔染寶粟
矮墮墜雲翹
平池數竿竹
深堂一葉蕉
衣聞秦女卷
山是楚人燒
雲崩半空石
江飛萬馬濤
翠檐寒玉直
清水滑珠跳
沫魚蔭荷淨
林

鳥望天遙解渴詢司馬停音顧小喬上樓花覆額
牽簾雲入袍始知湖外綠涼氣一峯高

飲酒四章

顧彼庭樹生意有餘欣欣無言我懷與俱春蔬滿
畦照人素裾性靜思動遂命我壺

悠悠其雨故人不來簷花垂戶窺我春杯穉子牽
肘不知而猜笑與一盞膝前自頽

馬卿始貧亦媚其婦予拉荆妻薄與飲酒言笑自
佳不覺其久何爲若斯互慰勤苦

青青者葵言茂我園我剪爾葉無傷爾根人物得
所我與汝安我不棄汝貴賤情存

秋望

極天惟海水水上白雲飛雲淨見山色山寒宜夕
暉徘徊晚禽影映帶遠人歸不盡滄溟意仙舟與
我違

同友人近村看梅

北風作層寒雲海凍欲涸漠漠一鳥遠寂寂衆芳
暮涼波響清冰遠屋暎幽路衣香出邨人眼明橫

水渡主者不爲客芳尊自成趣花深思重裛香重
霏薄霧心清得無邪詩好偶一句江天萬里靜
山西日下微吟若隱怨小折送歸去迴首江上月
吹作一片素

煎藥

煎藥我生能靜如煨芋僧香雲松葉竈青雪竹房
燈病久輕生死醫來協減增聰明卿返照心跡玉
壺冰

五百四峯堂詩鈔

卷之四終

五百四峯堂詩鈔

卷之五

順德黎簡簡民撰

乙未年

和陶二首

僕不喜爲和韻詩今春覽東坡和陶之作欣然作二首

飛鳥始美舉其心懷好休孰是無退地而能縱前
遊微風送高影逸羽隨雲流上下雖已殊安能笑

河鷗繫予倦遊子夙志在山邱思遠命弗諧行迂
身寡儔物有匪意得世無如願酬低徊格茲理寧
復自昧不嗟彼恆憂人亦自不見憂長途覆短軌
臨盡有遺求

何人不畏死無死不貴生何人不欲貴無賤不貴
名智者用以愚達者蔽其明予也誠不才十年逐
塵聲嗜慾苟昏人安復計遠齡能靜擯弗顛過養
扶亦傾物有秋不殺亦有春不榮性命符自然古
人得其情所以御輕風神仙王方平

寄陳湘舟顧芳二首

阿容三五好歌喉一曲黃河眉黛愁南人得識邊

情苦爲汝歌成字字秋

妓阿容善歌陳教歌黃河遠上一首

衰柳寒雲官渡頭風波失所荻花秋

時逐妓後

寒條夜

夜啼烏月許照顰山病玉樓

陳三新得妓李玉樓善病

巫山高

巫山高以陰寒景若死灰千年妖艷臨高臺愁雲
怨雨習習來長狐嘯血成碧苔一絲冷夢尋不回
柳枝啼烟秋滿眼楚風吹魂不得斷陰蘿綠帳凍

絕塵雲旗影直湘天晚巫山高湘水深神仙已葬
還有心白日冥冥猿夜吟

贈某翁

翁酒人亦
喜爲詩

城西小兒齊拍手笑指此翁醉行走一年不見幾
回醉一醉便自卯至酉閉門讀書五十年十日八
日無酒錢魚山人亦好事每日挈壺來打門淺
酌喁喁道幽素遊絲落花春日暮忽悲忽喜懷抱
開起見海上風雲來祇得尊前態如許安知戶外
翻雲雨深杯且送百年春一室何妨八風舞山人

今日重披裘滯京華
兩度秋近來酒醒燈前淚
幾頁遺編哭玉洲

張瑞夫葯房之弟

孤雲

孤雲與我性淡宕
含清暉長路幾時了
名山待汝歸
抱琴帶月立送鶴橫秋
飛靜極古潭水去留無
是非

梁文登丈送柚子

野亭烏柏邊
其上有寒蟬
衫淨照秋水
雲閑多暮天
葉飛江口樹
人上渡頭船
近說邨齋外
霜林橘

袖懸

空村

空村收稻了杯酒勞吾勤暇日無知友相思生暮
雲隔花人共語招手鳥成羣獨醉吾廬下無機物
亦欣

獨立

獨立心轉哀涼風西景頽水從今日去山識古人
來老木寒蟬急長空一鳥迴暮雲無意緒天地信
悠哉

小園

水影動深樹山光窺短牆秋村黃葉瓦一半入斜
陽幽竹如人靜寒花爲我芳小園宜小立新月似
新霜

讀曲歌二首

雄兔逐雌兔一步一相顧佳人不肯來浪打橫江
渡
皓腕紅雪香親約玉條脫此物不足貴貴其無斷
絕

二月二十九日題

東風留得幾分寒散入江鄉山水閒柳絮學飛才
點水木棉落盡好看山舞隨蝴蝶嬌孩轉行帶蜻
蜓病婦閑二十九年迴首了一般春日去闌珊

柳波秋柳和黃藥樵

鯢

春江打兩槳言是盧家婦河南指妾家鸚鵡藏深
柳柳態本因枝年長誰無思柳絲遮玉貌愁殺道
旁兒道旁春水曲畫舸明春旭梳頭太羣鬆半挽
春烟綠春烟吹不去人影在輕紗香風搖碧柳一

點是桃花桃花逐流水蕩漾何時止可憐一夜秋
明月寒波底寒波浩浩流人散木蘭舟何處非長
夜何人不識愁愁人扳柳枝惆悵夜深時西風不
懷舊猶使夜鳥啼

楊柳枝詞

橫江渡口雨霏霏盡日楊花不肯飛風吹多少愁
多少夜夜江波人未歸

春風時候不登臺今日明窓試小開一行烟柳隔
江碧遙逐莫愁船尾來

順德縣城還村居作

寒松帶天色空翠落帆前我友返迴渚孤城生暮
烟風捎鷹翅側山缺巾輪圓接櫂勞漁父深花送
淺船

龍潭

友人梁秀才公普旣逝予爲繪五龍潭聽瀑
小影授其家人

蒼厓趨雲顏深地夾壁出不知太古雨乃在化大
室懸河三千丈晴昊冷白日一落直不動二岳勢

已溢隱雷入地肺伏溜迸石骨當心臥長橋炯眼
界古鐵尋流十餘里復見跑泉窟初如真珠簾倒
卷上五尺中央競鐘鼓餘隙走瑟瑟陵臨俯層顛
礎石探其穴堂然下虛鳴叩鉢響旋輟潭潭黑凜
人冽冽寒豎髮雖無含沙蜮恐動乖龍蟄勿持青
銅盂學擺蒼鷹血澗下五色石偃壓不可拔淺波
漾鱗甲赤脚踏其脊潛虬兩篆盤有羅浮二秦舒書高七八尺
鳥一亭翼坐指峰頂流萬里去不息亭爲楊制軍構昔與
梁信陵欲就此卜宅未能偕妻孥尙待長松栢淒

涼八年後斯人就窰家山川不待人吾欲罪鬼伯
寫影不巾冠鬚髮得樸拙予生遂孤往十年事當
畢斯人承千秋突兀動高壁

此詩用韻頗濫嘗欲
改之菊房云蘇黃法

也聊
聽之

寄黃藥樵

牆頭暮鴉飛不起鴉背松聲冷於水如山北風壓
破屋拍枕大江浮兩耳窓竹偃蹇欲折櫺急雨落
瓦寒有稜饑鶻嚙嚙狀嘯鬼紙窓琅琅如裂冰風
頭愈大雨點重松子踰時尙跳動燈危在壁寒不

明心戰如波靜還湧我憶滇山西遠征冰天苦月
寒崢嶸兩奴爭被靜一闕獨馬戀人悲自鳴身勞
歸惜妻孥苦裘敝倏驚年歲更煌煌肥馬從朋友
站站飛鳶閱死生還喜爾情過絕以病示人無
病骨明日梳頭視青鏡今夕苦吟得白髮莫思廣
廈庇衆寒少陵詩翁古迂拙

咏古八首

天地萬物何無始終元理所載有來無窮予少旣
壯茫然莫從譬彼白雲隨茲長風誰使其往孰窺

其踪

鬼谷何人時卑道高一士獨暇天下皆勞屈子旣
放國人悠悠匪斯人憂其誰之憂達哉曼倩孰知
其心亦仕亦隱不浮不沉

子房少年深靜暢識神遠赤松心折黃石脫其不
遇寧沒此人辟穀空山千歲爲春世人望我我方
閉門薜蘿幽深外有白雲

偶彼粲者予爲相如不殺君子我非左儒其事異
致其人在予惟彼二子相去實遠予望厥事杳乎

在眼

伐木若廢朋友道缺况廼生死義有弗竭予念死
友冥冥泉路我思古人久約不負千秋延陵慨我
尼父特筆書曰季子之墓

大道可負何畏乞食卓哉陶潛沉機養直達人處
世不外畊織叔夜煉形而以形解孫登明照其言
尙在後來菊花何人復采

水能作山高於岱恆陰雲幕景其勢鋒稜朱雲謬
謬鹿折其角朱虛耕田非種無年孤不失和衆乃

受困絲亂不洽治以是刃

清宵悠悠撫我鳴琴孰聽其曲自惜其心蘭之猗
猗媚其幽姿君子之守曷其傷爲伯牙絕絃無復
新知千秋之後寧無子期

橫江詞

橫江渡頭江水藍東風旗影落澄潭人生莫作橫
江吏日日江頭數別帆

南湖曲

片雲飛出小湖東浪打紅襦雨打蓬深花淺水船

顛倒受盡南湖一夜風

荊州歌送客

鷓鴣聲裏夢黃陵
眇莽南浮記得曾
獨憶劉郎古臺上
西風吹草晚呼鷹

五百四峯堂詩鈔

卷之五終